

Oqaasiliortut ataatsimiinnerat

Pingasunngorneq, februaarip 4-aanni 2015, nal. 10.00

Oqaasileriffimmi

Peqataasut: *Carl Chr. Olsen, Karl Møller, Eva Møller Thomassen*

Peqquteqarluni peqataasinnaanani nalunaartoq: *Stephen Heilmann*

Erninermut atatillugu sulinngiffeqartoq: *Katti Frederiksen*

Allatsi: *Judithe Denbæk*

Oqaluuserisassat:

- 1) Siulittaasoq tikilluaqqusivoq, ilisimatitsissutigalugulu Miilu Lars Lund (in. 07.04.1929 – toq. 28.01.2015) pillugu eqqaaniummik atuagassiaq Kalaaleq-mut Oqaasiliortut sinnerlugit allagaqassalluni, ilaatigut allattaasitaamik folketingimit landsrådimiillu akuerineqarsimasumik 1973-imiilli maannamut suli atuuttumik pilersitseqataasimanera eqqartussallugit.
Aammattaaq ilisimatitsissutigaa Katti Frederiksen erninermut atatillugu sulinngiffeqareerpat juunip aallaqqaataanit 2015-imiit Oqaasileriffimmi pisortanngussasoq, utaqqiisaalu allannguisinnaanermik ilaqanngitsumik Beatrine Heilmann pisortaagallassasoq.
Ilanngullugit Oqaasileriffimmit JD-mit ilisimatitsissutigineqarpoq Unnuk Kulturisiorffimmi januaarip 24-ianni pisumi Oqaasileriffik ammasimammat, Oqaasiliortullu pillugit paasissutissanik sanarialuni isaasut qimerloorsinnaasaannik nivingatitaqarsimalluni. Paasissutissat Oqaasiliortunut emailkkut nassiunneqassapput.
- 2) Ataatsimiinnermi kingullermit imaqarniliaq taamaatsillugu akuerineqarpoq.
- 3) Saaffiginnissutit Oqaasiliortunukartut

a) Administrationsdirektør aamma administrerende direktør

Oqaasiliortut isummerput *administrerende direktør* tassaaginnassasoq *pisortaaneq*. Saaffiginnittup nammineq *administrationsdirektør*-imut kalaallisut taaguutigittissallugu tulluarnertippaa *allaffissormermi pisortaq*. *Administration*-imut kalaallisut taaguutit (bilagimi tamakkiisumik allaqqasut) eqqarsaatigalugit Oqaasiliortuni eqqartorneqarput ingerlatsineq tasaanerusoq forvaltning, atortitsinerlu inatsisinut tunngalluni, aammattaaq allattoqarfik allaffeqarfillu assigiinnginnerat taaneqarluni. Saaffiginnittup nammineq siunnersuutimini oqaaseq atugaa *allaffissorneq* Oqaasiliortunit ippinnartinneqarmat taarsiullugu *administrationsdirektør*-imut Oqaasiliortut taaguutitut akueraat: *Allattoqarfimmi (imaluunniit: allattoqarfinni) pisortaaneq*.

b) Lovbekendtgørelser aamma bekendtgørelse af lov

CCO erseqqissaavoq oqaaseq nalunaarut makkuninnga isumaqarsinnaamat: bekendtgørelse, meddelelse, deklARATION aamma bekendtgørelse af lov. *Lovbekendtgørelse* nassuiaatitaa atorlugu imak taaguusissallugu Oqaasiliortunit akuerineqarpoq: *Inatsisaareersut allannguutaanik eqikkarlugit nalunaarut, Bekendtgørelse af lov* kalaallisut imak taaneqartassasoq akuerineqarluni: *Inatsimmik (nutaamik) nalunaarutiginninneq*.

c) Printer kalaallisut qanoq taaneqassanersoq

Oqaasiliortut isummerput oqaasersiatut *printeri* atorneqaannarsinnaasoq, kalaallisullu taguuteqartinnissaanut isummerfigineqartut ilaat tassaapput oqartarneq printerpara, anisippara aammalu naqitanngortitsineq. Oqaasiliortunit kalaallisut taaguutissatut akuerineqarpoq *naqitsissut*.

d) Udbud, udbudsmaterialer aamma udbudsprocesser

Oqaasiliortunit nassuiaatigineqarpoq oqaaseq neqeroorutit sassaalliutitut isumaqarmat, suliarinnittussarsiuussinerlu illuliornermut sanaartornermullu tunnganerusoq. Oqaatsit makku akuerineqarput:

Udbud= nuisitsineq, nittarsaaneq

Udbudsmaterialer= nuisitsinermi tunngavissat

Udbudsprocesser= nuisitsinermi tulleriissitaarineq

e) Associeret medlemskab aamma fuldgyldigt medlemskab

Ilaatigut eqqartorneqarput fuldgyldigt medlemskab tassaaginnassanersoq ilaasorta q imaluunniit ilaasortavik, associeret medlemskab-ilu peqataasartumik taaguuserneqarluni.

Taaguutitut akuerineqartut tassaapput:

Associeret medlemskab= Peqataasartutut ilaasorta q

Fuldgyldigt medlemskab= Tamakkiisumik ilaasorta q

4) Taasariaqartut allat.

JD-p ilisimatitsissutigaa februaarip 21-iat tassaammat Nunarsuaq Tamakkerlugu Ilitsoqqussaralugit Oqaatsit Ulluat, tassungalu atatillugu CCO nalunaarpoq Oqaasileriffiup tamassuminnga pilersaarusiornissaq isumagissagaa.

Carl Chr.Olsen
Oqaasiliortunut Siulittaasoq

Judithe Denbæk
Oqaasiliortunut allatsi